



## Tot nou toe het die Here ons gehelp

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Die Maranatha Reformed Church of Christ (MRCC) se Mogwase-gemeente het Sondag 24 September 2023 Erfenisdag gevier, saam met kinders van die Reoleboge Spesiale Skool. Dit is die skool wat die Mogwase-gemeente in 2016 aangeneem het. Die gemeente nooi elke jaar die kinders, sodat hulle die geskenke wat ingesamel is, kan ontvang. Dit sluit in toiletware, sanitêre ware en skryfbehoeftes, afhangende van wat ingesamel is.**

Ons Erfenisdagvieringe is bygewoon deur prof Wim Dreyer, voorsitter van die NHKA se Kommissie van die AKV, wat ook 'n gasprediker was. Sy boodskap was uit Handeling 11: 26, en sy tema was: *Wie is jy?* Mnr Johan Hattingh van die NHKA se Sinodale Dienssentrum sowel as die Ringskommissie van Rustenburg het bygedra tot die etes.

Die vieringe was ook deel van die eeufesvieringe van die MRCC – die Kerk was op 12 Mei vanjaar 100 jaar oud. Mogwase se amptelike eeufesvieringe het op 28 Mei plaasgevind, en is bygewoon deur ds Stephan Botha van die NHKA se ring van Rustenburg en 'n ouderling van sy gemeente.

Mogwase bedank graag die NHKA vir hul volgehoue ondersteuning, en vertrou dat die verhouding sal voortgaan, omdat dit reeds 100 jaar lank bestaan.

Ringe en gemeentes van die MRCC is aangemoedig om die 100-jaar-vieringe vanaf Sondag 14 Mei 2023 tot later vanjaar by hul onderskeie venues te hou, in aanloop tot die Nasionale Eeufesviering op Saterdag 18 November 2023 by die Majuba FET College in Madadeni, Newcastle (KZN). Die NHKA se Algemene Kommissie sal weer eens deur prof Wim Dreyer verteenwoordig word.

Die tema van die eeufesvieringe is: *Tot nou toe het die Here ons gehelp* (soos in 1 Sam 7: 12). Ons dank die Heer van die Kerk vir die wonderlike reis van 100 jaar wat deur ons twee kerke onderneem is. Die MRCC waardeer die verhouding met die NHKA en vertrou dat dit vir die volgende 100 jaar sal voortduur.



Prof Wim Dreyer en ds Modisaotsile Motloba

## Lief en leed

- Ds Naas Lombard (emeritus, tot onlangs leraar in Suidoos-Witbank) se vader, **mnr Peet Lombard** (91), is Maandag 2 Oktober oorlede. Die roudiens vind plaas op Saterdag 7 Oktober om 11:00 vanuit Gemeente Suidoos-Witbank en sal waargeneem word deur dr Martin Jansen van Rensburg. Ons innige simpatie gaan aan ds Naas, sy dogter ds Retha Losper (Ogies/Suidoos-Witbank), en hul familie. Ds Retha sê: *Ons is dankbaar vir 'n pa en oupa wat sy jare goed gedra het en nog baie aktief en betrokke was as ouderling van Gemeente Suidoos-Witbank.*



Mev Corrie Meyer word 80

- Baie geluk aan **mev Corrie Meyer**, weduwee van ds Lukas Meyer (oorlede 21 Junie 2023), wat op 28 September haar 80ste verjaardag gevier het. **Op die foto** is sy saam met ds Anna-Marie Kloppers en ds Johan en Ronél Bezuidenhout.

- Die erediens waartydens **prof WA (Wim) Dreyer** emeritaat aanvaar, vind plaas op 22 Oktober vanaf 09:00 by Gemeente Pretoria-Oos, Delyweg 100, Waterkloofpark.

- **Mnr Johan Kok**, 'n pensioenaris van die Oos-Kaap, is reeds jare lank op soek na 'n oorspronklike **Afrikaanse Kanselbybel 1933/1953**. Baie gemeentes het nog sulke Bybels in hul kaste (sommige is op uitstalling) en is dalk bereid om een te verkoop. Kontak mnr Kok direk by 083 233 9192.

- Die direksie van Ons Tuis (MSW) het goedgekeur dat die **uitstalkas in Ons Tuis: Seniorstuis Riviera**, aan die **SP Engelbrecht-museum** geskenk word. Die oorhandiging sal seremonieel geskied wanneer ds Frikkie van Wyk die kas amptelik aan die Museum sal oorhandig. Ds Carel Johann de Bruin beplan om dit 'n spesiale uitstalkas vir prof SP Engelbrecht te maak. Daar is vier soortgelyke kaste in die Museum. Ouboet kom huis toe! Almal was lank terug saam in ons Museum. (Foto geneem deur mev Alta van Rensburg, inwoner van Ons Tuis Riviera)

- **Die volgende predikante verjaar tot 13 Oktober, en word hartlik geluk gewens:**

- Donderdag 5 Oktober: Ds L (Leon) Janse van Rensburg (56) (Namibkus)
- Vrydag 6 Oktober: Di E (Etienne) Verhage (70) (emeritus) en PF (Frikkie) Viljoen (68) (emeritus)
- Saterdag 7 Oktober: Dr PJ (Paul) de Beer (84) (emeritus), di L (Louizé) de Beer (26) (Ottosdal) en S (Steve) Oxtan (36) (Wapadrant)
- Sondag 8 Oktober: Prof JD (John) Gericke (82) (emeritus/Setlaars) en dr WA (Willie) Strydom (62) (Eikenhof)
- Maandag 9 Oktober: Prof WA (Wim) Dreyer (65) (UP)
- Donderdag 12 Oktober: Di GDJ (Gert) Macdonald (54) (Nelspruit), BC (Barrie) Oberholzer (59) (Grootfontein/Tsumeb) en M (Milankie) van der Walt (60) (Namib-Suid)

## Gemeentes en bediening

- **Dr JG (Hannes) Janse van Rensburg** van Zuurfontein het die beroep na Lichtenburg bedank.
- **Werkruimte: Samewerkende Gemeentes Boksburg en Witfield.** Aansoeke word ingewag van gelegitimeerde predikante van die NHKA om hierdie bedieningsruimte te vul. Die samewerkende gemeentes is Boksburg en Witfield aan die Oos-Rand, twee stadsgemeentes in die ring van Germiston. Boksburg het 'n sieletal van ongeveer 205, en Witfield 'n sieletal van ongeveer 78 wat meestal uit bejaarde lidmate bestaan. Die gemeentes se kerkgeboue is sowat 10 km uitmekaar en daar word elke Sondag op albei plekke 'n erediens gehou.



Dr Hannes Janse van Rensburg

**Aard en omvang:** Van die predikant sal verwag word om die normale aktiwiteite van die gemeentes, soos prediking, katechese, spesiale erediens en fondsinsamelings, te

organiseer en te fasiliteer. Kontak met die lidmate, siekebesoek en huisbesoek is baie belangrik, en pligte soos in die Kerkorde moet uitgevoer word. Albei kerkrade verwag van die predikant om goed gefundeerde preke wat motiverend en leersaam is, aan te bied. Die predikant sal in albei gemeentes bevestig word.

**Vergoeding:** Die predikant sal aangestel word volgens kontrak vir 'n aanvanklike periode van 12 maande en sal vergoed word deur 'n enkele kontantbedrag wat R32 000 per maand sal beloop.

**Aansoeke:** Aansoeke **sluit op 15 Oktober 2023** en moet vergesel wees van 'n verkorte CV wat die kontakbesonderhede van twee referente insluit. Aansoeke word gestuur aan **beide** administratiewe beamptes van die gemeentes: Anneli Louw ([nhkwitfield@gmail.com](mailto:nhkwitfield@gmail.com)) en Bernadene du Preez ([nhkaboksburg@gmail.com](mailto:nhkaboksburg@gmail.com)).

**Diensaanvaarding:** So spoedig moontlik, maar onderhandelbaar. Die kerkrade behou die reg voor om die lys van kandidate na die sluitingsdatum te verklein of te vergroot en mag self ander kandidate nader. Indien nodig, sal die pos weer geadverteer word. Vir enige navrae, kontak Anneli Louw (084 627 7253) of Bernadene du Preez (079 883 8741).

- **Werkruimte vir voltydse bediening: Gemeente Alberton.** Aansoeke word ingewag van gelegitimeerde predikante van die NHKA om die werkruimte te vul ná die emeritaat-aanvaarding van die huidige predikant op 29 Februarie 2024.

**Gemeente:** Die gemeente dink met 'n kopspiritualiteit oor kerkwees, maar funksioneer in hulself met 'n hartspiritualiteit. Die gemeente is gereed vir groei en sal veral wil fokus op die herontdekking van hul roeping. Die gemeente wil deur die liefde van God dien en meelewe tot sy eer.

Die gemeente is 77 jaar oud. Die gemiddelde ouderdom van die gemeente se 289 belydende lidmate en 43 dooplidmate is 52 jaar. Dit is 'n pastorale gemeente in die hartjie van Alberton.

Die gemeente se kerkgebou is in Alberton (Tweedelaan 82). Daar is geen pastorie beskikbaar nie. Die suksesvolle kandidaat sal vir eie verblyf verantwoordelik wees. Die lidmate woon in en om die dorp. Kontak met die lidmate en huisbesoek is baie belangrik.

Die gemeente kan die predikant tans vergoed met 'n totale pakket van vyfhonderd duisend rand per jaar. Enige predikant met meer diensjare, wat vir dié versorging kan begin werk, is welkom om aansoek te doen.

**Leraarsprofiel:** Die leraar moet lief wees vir die Here en sy kudde. Die Hervormde identiteit en etos is vir die gemeente belangrik.

**Aansoeke sluit op 22 Oktober 2023.** Aansoeke moet vergesel wees van 'n CV en 'n kort verslag van die kandidaat se VBO-krediete. Met ontvangs van die CV sal 'n vraelys aan u gestuur word. Die vraelys moet eerlik en sorgvuldig ingevul word. Dit moet per e-pos gestuur word aan die skriba (Cobus van Wyk) by [alberton@nhk.co.za](mailto:alberton@nhk.co.za). Enige ander navrae kan skriftelik aan dieselfde adres gerig word. Alle aansoeke word vertroulik hanteer. Die kerkraad is nie verplig om een van die aansoekers te beroep nie.

- **Werkruimte vir deeltydse bediening: Gemeentes Otjiwarongo/Outjo-kombinasie.** Die kombinasie Otjiwarongo/Outjo in Namibië beskik oor 'n vakante werkruimte vir 'n deeltydse predikant. Unieke wetlike voorskrifte oor werkpermitte deur die Namibiese regering beperk die opsies wat die gemeentes kan uitoefen vir die bediening. In die lig daarvan is die ideale kandidaat vir die deeltydse pos 'n geëmeriteerde predikant in die ouderdomsgroep 65 tot 68 jaar wat nog die energie en inisiatief het vir gemeentewerk vir 'n periode van twee tot vyf jaar. Die kombinasie sal aansoek doen vir 'n tydelike werkpermit vir twee jaar, wat herhaal sal word indien die persoon vir langer kan of wil bly. Die vergoedingspakket sluit in: 'n gemeubileerde pastorie in Otjiwarongo; 'n gemeentemotor plus brandstof; en 'n kontantvergoeding per maand. Skakel ds Barrie Oberholzer by +264811487465 vir verdere inligting en administratiewe reëlings soos vir 'n mediese fonds.

- **Gemeente Hartebeeshoek** nooi almal wat die afgelope 40 jaar betrokke was by die gemeente na hul feesgeleentheid om hul **40ste verjaardag** te vier.

**Saterdag 28 Oktober:** Basaar vanaf 09:00  
**Sondag 29 Oktober:** Erediens 09:00, met Massanagmaal, groeteboodskappe en lofferete

### Bevestig teenwoordigheid teen 20 Oktober

Hans van der Merwe 071 331 2428  
 Lukas Vorster 081 354 0777

## Vergaderings

- Dinsdag 10 Oktober: TOIBO Dagbestuur
- Donderdag 12 Oktober: Rata Finkom
- Vrydag 13 Oktober: Moderamen

## 'n Gedig

### Boek

As al dié goue dae herinnering word,  
 dié vreugde net 'n ou vergeelde boek  
 wat ek al peinsend oopslaan om  
 'n glansende woord of sin te soek,

dan sal dit selfontfermend wees,  
 as skemer oor my mure daal,  
 om ál gereelder voor die vuurherd saans  
 die ou boek van die rak te haal.

**Ernst van Heerden**  
 (Uit: *Reisiger*, 1953)

## Kerklike publikasies

- Die **Kerkkalender vir 2024** wat die afdeling Kerklike Kommunikasie vir gebruik in ons gemeentes voorberei het, is nou **hier** op die Kerk se webblad beskikbaar. Teken asseblief aan om toegang tot die kalender te verkry. Die kalender bevat inligting oor die kerklike feesdae, openbare vakansiedae, skooltermyne en spesiale geleenthede wat vir die hele Hervormde Kerk van belang is. Gemeentes kan hul eie gemeenteprogram daarop invul en die kalender in gedrukte formaat of elektronies onder hul lidmate versprei.




**Bybelse Dagboek / Almanak 2024**  
 R200 (versending uitgesluit)


Kry belangrike inligting oor die Hervormde Kerk én 'n inspirerende Bybelse dagboek in een omslag

Bestel by  
 boekwinkel@nhk.co.za

## Toerusting




Departement van Teologie  
in samewerking met die



NEDERDUTSCH HERVORMDE KERK VAN AFRIKA

### Diploma in Bediening Deeltydse studies

Ten volle geakkrediteerde kwalifikasie: NQF Vlak 6  
SAQA ID: 96454; aantal krediete 379; 5 jaar deelyds



**Toelatingsvereistes**  
Nasionale Senior Sertifikaat met toegang tot diplomastudies, of gelykwaardige kwalifikasie

“Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk.”

**Inskrywings vir Januarie 2024 open 1 Oktober 2023**

*Maak 'n verskil in die Koninkryk van God*

Navrae: Ds Bouwer Serfontein  
E-pos: [ministry@skillspro.co.za](mailto:ministry@skillspro.co.za)  
Selnommer: 082 339 7854  
Klik **hier** vir brosjure

- Ouderlinge kan gerus die **Hervormde Teologiese Kollege (HTK) se webtuiste** besoek. Gaan na <https://hervormdeteologie.co.za/ouderlinge/> vir inligting oor **gevorderde toerusting vir ouderlinge**. Tans verskyn daar reeds YouTube-skakels, PowerPoint-aanbiedings en Word-dokumente van Module I – *Die fasilitering van 'n erediens (ds Hannes van der Merwe)*; Module II – *Hoe berei predikante preke voor (dr Gerhard Nel)*; en Module III – *Die aanbied van 'n preek (prof Yolanda Dreyer)*. **Prof Stephan de Beer** se aanbieding van 29 Mei, *Hoe om jou gemeenskap beter te verstaan*, is ook daar beskikbaar. Laasgenoemde kan ook direk by <https://youtu.be/TnQNNDxzmP4> afgelaai word. Module II – *Die kuns van goeie gesprekvoering (dr Johan Bester)* is beskikbaar by <https://youtu.be/VfUgoBXodwA>, *Hoe om lidmate in tye van krisis te begelei (dr Annelie Botha)* by <https://youtu.be/dUJ9kXs4Tvw>, en *Siekebesoek en sterwensbegeleiding (dr Annelie Botha)* by <https://youtu.be/AcAQ3DrH7yw>.

### Vir ouderlinge: Gevorderde toerusting in Bybelkennis: Ou Testament

Maandag 16 Oktober om 19:00

Hierdie module skerp ons Bybelkennis op deur 'n samehangende oorsig oor die vormingsproses, geskiedenis en agtergrond van die Ou Testament te gee. Meer as blote Sondagskoolkennis, lei hierdie module tot die ontdekking van 'n dieper waardering en insig vir die Ou Testamentiese literatuur in al sy dimensies. ✦

**Aanbieder –  
Ds Marina Kok-Pretorius**

<https://us02web.zoom.us/j/9427689935?pwd=d3d3K1N1cDU0a1plZCtjSS9ZSFY4dz09>  
Meeting ID: 942 768 9935  
Wagwoord SGB

## Fondsinsamelings

- **Gemeente Hartebeeshoek: Outydse Basaar**  
**Ons vier 40 jaar (1983-2023)**  
**Saterdag 28 Oktober vanaf 09:00**  
Plantainlaan 55, The Orchards  
Winkoopvleis en groenteverkope  
Vir die smulpape: pannekoek, pap-en-kaiings, kerrie-en-rys, ens  
Vir die pret: Skyfskiet, vlooiemark, veiling, plaasdiere, ens  
Vir meer inligting, kontak dr Cobus by 082 370 5038
- **Gemeente Bellville: Lentefees**  
**Saterdag 28 Oktober 09:00-14:00**  
Kom eet, kuier en geniet die dag saam met ons  
hv Ganzekraal en Meerlust, Oakglen, Bellville

- **Gemeente Randburg: Swaeltjiefees**  
Kom ondersteun ons jaarlikse Swaeltjiefees  
**Saterdag 28 Oktober 08:00-14:00**  
**Kerkstraat 1, Ferndale, Randburg**  
Watertandlekker pannekoek, sosaties, *jaffles*, pap-en-kaiings  
Melkkos, lamskerrie-en-rys, boereworsrolle, lekkers, vetkoek en koek  
Maak keel nat by die tee- en dorstuin  
Trompoppies, junior- en seniorkore van Laerskool Unika  
Plaaslike kunstenaars om jou te vermaak  
Vir die kinders is daar 'n spookhuis, speletjies en verfbal  
Skaaktoernooi en 'n dieretuinuitstalling  
Uitstallers met 'n verskeidenheid produkte te koop  
Uitstalling van die Bybelgenootskap  
Kom geniet die dag saam met ons!

- **Alphonso Theron** (61) het besluit om twee monsters aan te durf. Hy wil die **Munga**, een van die heel moeilikste ultramaratons vir bergfietse in die wêreld, voltooi – vir Rata en die kinders wat so dapper teen hul monsters stry! Die deelnemers moet meer as 1 100 km tussen Bloemfontein en Wellington binne 5 dae aflê. Om die monster van Rata se tekort aan inkomste te tem, wil Alphonso R1 000 000 insamel – 1 000 persone of instansies wat elk R1 000 skenk.

<https://rata.org.za/alphonso-se-monsteruitdaging/>

#### **Elektroniese betalings**

Rata Maatskaplike Dienste MSW  
ABSA tjekrekeningnommer: 020 600 209  
Takkode: 632005  
Verwysing: MUNGA + Naam

- Daar is 'n **geleentheid vir 'n gemeente of individu** om by die **Centurion Boeremark op Saterdag** pannekoek en/of *jaffles* te verkoop. 'n Stalletjie kos R250 per Saterdag. Deposito R250 eenmalig en sertifikaat van Tshwane vir kosverkope eenmalig R920. Kontak Christo Potgieter by 072 737 3644.
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekureit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

## **Barmhartigheid**

- **Poste beskikbaar by die Diakonale Pleegsorghuis Elsburg.** Die suksesvolle kandidate sal optree as pleegouers vir ses seuns en verantwoordelik wees vir hul fisiese, emosionele en skoolstiese hantering, met die ondersteuning van 'n multidissiplinêre span wat maatskaplike werkers insluit. Persone **tussen die ouderdomme van 30 en 55 jaar** kan aansoek doen (**verkieslik 'n getroude egpaar**). Persone van ander kerkgroepe met dieselfde Christelike grondslag as die NHKA kan aansoek doen, maar die suksesvolle kandidate sal vir die tydperk van hul aanstelling moet **inskakel by die betrokke NHKA-gemeente**. Benewens 'n maandelikse kontantvergoeding, word gratis inwoning in die DPS-huis ook by die pakket ingesluit. Die geskikte kandidate moet bereid wees om psigometriese toetse te ondergaan. Met aanstelling sal hulle opleiding in ontwikkelingstrauma ontvang. **Die sluitingsdatum vir aansoeke is 31 Oktober 2023.** Kontak **mnr Otto Viljoen** by 079 495 2007 / 060 968 4907 / [kinderhuise@nhk.co.za](mailto:kinderhuise@nhk.co.za), of **mev Suzanne van Deventer** by 066 477 8904 / [suzanne@rata.org.za](mailto:suzanne@rata.org.za). Besoek gerus ook die webtuiste [www.pleegsorg.org.za](http://www.pleegsorg.org.za) of die Facebookblad DPS Huisse.



- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*bachelor*): R495 000

Eenslaapkamer: R515 000

1½-slaapkamer: R520 000

Tweeslaapkamer: R560 000

**Tans is daar ook 'n enkelwoonstel (*bachelor*) te huur** vanaf 1 Oktober 2023, teen R5300 per maand. Kontak Salomie Stolz by 012 329 4313 of 083 308 0520 (08:00-12:00) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. Deposito van twee maande huur betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / [manager@belfastrusoord.co.za](mailto:manager@belfastrusoord.co.za) vir meer inligting en tariewe.
- **Athalia Uitreik in Bloemfontein** bied verblyf vir en versorging van bejaardes en persone met gestremdhede. Daar is enkel- en deerkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / [navrae@athalia.co.za](mailto:navrae@athalia.co.za) / [www.athalia.co.za](http://www.athalia.co.za).

## Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.

## Betaalde advertensies in hierdie nuusbrieff

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.)** Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed vir die week

Heer,  
vandag wil ek dankie sê  
vir die lewe, vir liefde,  
vir die skoonheid rondom my.  
My hart is so vol dankbaarheid  
vir die geloof en hoop  
waarmee U my lewe vul.  
My lewe loop oor van u genade  
en al die seëninge wat ek uit u hand ontvang.  
Vandag sê ek dankie,  
almagtige Vader,  
vir die magdom goeie gawes  
wat U so ryklik voorsien.  
Amen.

Christine Sine <http://godspace-msa.com>

(Afrikaanse verwerking: Tessa Oppermann)